









# LETTRE

DE MONSEIGNEVR  
LE PRINCE, ÉCRITTE A  
Messieurs de l'assemblée de  
Grenoble, par le sieur de  
Cagny.

M. DC. XV.

Case

F

39

.326

1615 codL

THE NEWBRARY  
LIBRARY

NO. 10



LETTRE DE MONSEIGNEVR  
le Prince, escritte à Messieurs de l'assem-  
blee de Grenoble, par le sieur de Cagny.

MESSIEURS l'ay receu par  
le sieur de Cagny vos let-  
tres du vingtroisiesme du passe &  
apris par la bouche, la charge par-  
ticuliere que vous luy auiez don-  
nee, Enquoy vous faites cognoi-  
stre de plus en plus en ces occur-  
rances vostre affection enuers le  
Roy & l'estat, & vostre bonne  
volonté en mon endroit, dont ie  
ne puis que derechef ie ne vous  
tesmoigne le ressentiment que  
i'en ay, & pour le public, & pour  
mon interest particulier. Vous  
voyez trop clair pour ne point  
cognoistre la iuste cause qui m'es-  
meut, & l'affection syncere que  
i'ay au seruice de sa Majesté, &  
bien de son Royaume. Mesrai-

4  
sons sont assez cogneües : Vous  
sçauiez les causes , & les auteurs  
des maux dont toute la France se  
plaint : Vous n'ignorez pas à  
quoy ils tendent : vostre pru-  
dence , & preuoyance est trop  
grande , leur malice , & leurs  
artifices trop descouverts pour  
ne pas voir quels sont leurs  
desseings , & l'interest particulier  
que vous auez de me seconder  
avec tous les vrais François , pour  
en empescher les mauuais effects.  
C'est ce qui m'a faict vous con-  
uier cy deuant par le sieur de la  
Haye , & depuis par le sieur de Ve-  
neuelles que vous auiez enuoyé  
vers moy , & me faict derechef  
vous conuier par la conseruation  
de cet Estat que vous aymez , &  
par la vostre particuliere qui y est  
enclose , de loindre incontinent



vos iustes armes aux miennes, puis qu'apres auoir tenté toutes voyes de douceur, apres vne extreme patience, il ne reste plus que celle de la force : remede fascheux, & pitoyable, & tel que les extremes aux extremes maladies: Mais que tout le monde iuge iuste, puis que la continuation du mal le rend necessaire. I'ay veu auant que de m'y resoudre des trahisons, & entreprises prestes à executer, des actés d'hostilité commenez en diuers endroits, mes seruiteurs emprisonnez, les armes qu'on leue sous le nom du Roy, & les principales forces de sa Majesté, voire sa personne mesmes entre les mains de personnes suspectes, & soupçonnées d'auoir participé à la mort du feu Roy: dont ie suis resolu de poursuiure

la vengeance contre ceux qui s'en  
trouueront coupables : Et me  
promets, Messieurs, que vous me  
seconderez bien tost en ceste non  
moins soluable que necessaire re-  
solution, puisque iusqu'icy vos  
remonstrances, aussi bien que  
celles du Parlement, & les mien-  
nes ont esté negligées, & mespri-  
sées, & qu'autrement ce seroit  
estre coupables des maux que les  
infidelles, & desloyaux Conseil-  
lers font au Roy, & à l'Estat, &  
se rendre non moins cruels à les  
souffrir, & endurer, qu'eux à les  
faire. Et d'autant que vous auez  
tres-prudemment désiré de sça-  
uoir, & estre esclairez des moyés  
que i'ay pour apuyer la iustice de  
mes resolutions. I'ay fait voir au  
sieur de Cagny quels ils sont, tant  
dedans que dehors le Royaume,

& l'assistance certaine que ie puis  
asseurement attendre en cette oc-  
casion des anciens alliez de ceste  
Couronne, dont ie ne vous diray  
autres particularitez, me remet-  
tant à ce que ledit sieur de Cagny,  
& le sieur de la Haye vous en di-  
rôt de ma part, outre ce que desia  
vous en auez appris par le sieur de  
Veneuelles. Et vous priant de  
vous assurer de mon entiere affe-  
ction, & que ie n'obmettray rien  
de ce à quoy la iustice d'une si  
bonne cause, & mon deuoir m'o-  
bligent en ceste occasion pour le  
seruice du Roy, le bien de son  
Estat, la manutention de vos E-  
dicts, & le contentement, & la  
seureté de tous les gens de bien en  
general, & de chacun de vous en  
particulier. Je supplieray aussi le  
Createur, Messieurs, qu'il vous

tienne en sa garde. Du camp de  
Moncornet le 22. Septembre  
mil six cens quinze.

Vostre tres-affectionné à  
vous faire seruire,

HENRY DE BOVRBON.









